

SCRIPT OF EVENING GOJRI NEWS BULLETIN 27OCT 1700 HRS

ایونینگ گو جری نیوز بلیٹن مورخہ 27 اکتوبر 2025

یوہ آکا شوانی جموں ہے محمد آصف تے نصرت چوہدری تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے کہیو ہے جے نوی تعلیمی پالیسی غی وجہ نال سرکاری سکولان غی کارکردگی مانہ بہتری درج کی گئی ہے۔
- ۲۔ وزیر اعلیٰ عمر عبداللہ غو کہوں ہے کہ سیلاب متاثرین ناں 5-5 مرلہ زمین دستیاب کران غی خاطر حکومت کم کر رہی ہے۔
- ۳۔ زراعت غا وزیر جاوید احمد دار نے کہیو ہے جے جموں کشمیر مانہ 209 کروڑ روپیاں غی فصل ناں نقصان ہوو ہے جس خاطر مرکزی حکومت نانہ امداد غی خاطر سفارشات ثوری جیں غی۔
- ۴۔ کشتواڑ ہوائی اڈہ ناں معادو دین غی کاطر کم کاج غا جائیزہ واسطے سیول ہوا بازی بارے وزارت تے ہوائی اڈہ بارے اتھارٹی پلک 5 ممبراں ور مشتمل اک ٹیم ناں کشتواڑ ٹور رہی ہے۔
- ۵۔ بریگیڈر راجندر سنگھ نانہ اُن گا شہید تہاڑا گا موقع ور خراج عقیدت پیش کرن غی خاطر حُب الوطنی غا جزیہ نال پروگرام منعقد کرایا گیا ہیں۔

LG NEP

لیفٹیننٹ گورنر منوج سنہا غو کہنو ہے کہ نوی تعلیمی پالیسی ناں عملایا جان غی مدد نال جموں کشمیر غا تعلیمی نظام مانہ متی تبدیلی دیکھی جارہی ہے تے جموں کشمیر غا سرکاری سکولان غی کارکردگی وی بہتر ثابت ہوئی ہے سرینگر مانہ اج کوٹھی باگ ہائرسکینڈری سکول مانہ منعقدہ اک پروگرام غے دوران بولتا واں جناب سنہا نے کہیو ہے جے نوی تعلیمی پالیسی غے تحت طالب علماں ناں نصاب مکمل کرن مانہ متی مدد لبی ہے نالے سرکاری تعلیمی اداراں غی کارکردگی پہلاں تیں متی بہتر ہوئی ہے اس سلسلہ مانہ ایل جی موصوف نے مزید بولتا واں اس طرح کہیو۔

CM LANDLESS PEOPLES

جموں کشمیر حکومت گو کہنو ہے کہ حالیہ سیلاب متاثرین ناں 5 مرلہ زمین دتی جے گی جس خاطر حکومت کم کر رہی ہے اج قانون ساز اسمبلی مانہ بی جے پی جماعت نال وابستہ ممبر اسمبلی جموں شام لال شرما غی طرفوں سیلاب تیں متاثرہ ہوا لوکاں غی باز آباد کاری واسطے نوی پالیسی بارے پوچھیا گھیا اکن سوال غو جواب دیتا واں وزیر اعلیٰ عمر عبداللہ نے کہیو ہے باز آباد کاری بارے حکومت نے کائے وی پالیسی تیار نہیں کی ہے ور سیلاب تیں متاثر ہوا لوکاں ناں 5-5 مرلہ زمین دتی جے غی اس سلسلہ مانہ وزیر اعلیٰ نے اس طرح کہیو۔

CROP LOSSES

جموں کشمیر حکومت ے اج کہیو کہ حالیہ سیلاب تیں زراعت تے اس تیں جڑیا شعباں نانہ تقریباً 209 کروڑ روپیاں غو نقصان ہووے تے اس غی رپوٹ مرکز نانہ امداد

غی درکواست غے نال پھیجی جے غی۔ تے اُمید ہے کہ ہم نانہہ گُجھ مدد ضرور لبے
 غی یوہ بیان پی ڈی پی ممبر اسمبلی وحید پارا غا سوال گا جواب مانہہ وزیر زراعت
 جاوید دار نے دیو۔

VIGILANCE AWARENESS

انتظامیہ تے عوام بشکار شفافیت نال یقینی بنان غی خاطر اج ادھمپور غا ضلع
 ترقیاتی کمشنر غا دفتر مانہہ وجیلنس جانکاری ہفتہ غی شروعات کی گئی اس موقع
 ور متی تعداد مانہہ سرکاری ملازماں تے افسراں نے شمولیت کی واضع رہ جے اس
 سلسلہ مانہہ ڈپٹی سِپرڈینٹ پولیس گرمیت سنگھ تے اے سی بی ادھمپور نے سرکاری
 دفتراں غا کم کاج مانہہ ایمانداری تے شفافیت نال کم کرن غی ضرورت ور زور دتو۔
 اواں وجی لینس افسراں نے سرکاری ملازماں نال رشوت خوری غے خلاف لڑن بارے
 تفصیلی جانکاری دتی اس موقع ور اینٹی کرپشن بیرو ادھمپور غا ڈی ایس پی گرمیت
 سنگھ نے اس طرح کہیو۔

KISHTWAR AIRPORT

سیول ہوا بازی بارے محکمہ غی مرکزی وزارت تے بھاتی ہوائی اڈہ بارے اتھارٹی
 پلک 5 ممبراں ور مشتمل اک ٹیم نال کشتواڑ ٹور غے اڑن سکیم غے تحت ات ہوائی
 اڈہ نال بعدو دین بارے منصوبہ غو جائزولے گی۔ آپنو دورو مکمل کرن تیں بعد
 یاہ 5 رکنی ٹیم دہلی واپس روانہ وے گی جت یاہ آپنی رپوٹ اعلیٰ عہدے داراں نانہہ
 جمع کراوے گی اس سلسلہ مانہہ سماجی میڈیا ور اک پوسٹ سانجی کرتاواں مرکزی
 وزیر ڈاکٹر جتندر سنگھ نے کہیو ہے جے وزیر اعظم نریندر مودی غی سربراہی
 آلی حکومت دور دراز غا علاقان مانہہ ہوائی خدمات مہیا کران ور خصوصی تیان دے
 رہی ہے کیوں جے مہاری ہر اکن گزارش ور حکومت دور دراز غا علاقان نانہہ ترقی
 دین بارے اقدام چارہی ہے۔

BRIG RAJINDER SINGH

لیفٹیننٹ گورنر منوج سنہا نے اج برگریڈر راجندر سنگھ نا اُن غے یوم شہادت گا تہاڑا
 گا موقع ور ذبردست الفاظ مانہہ خراج عقیدت پیش کیو ہے واضع رہ جے برگریڈر
 راجندر سنگھ آپنا فرانیش غی ادانگی نال بہادری نال انجام دیتا جان واسطے منیا جیں
 تھا اُن نے سن 1947 مانہہ جموں کشمیر خطہ نال پاکستانی فوج تیں بچان غی خاطر
 اک نمیلکی پشان قائم کر غے وطن نال بے مثال محبت کرن غی مثال قائم کی ہے اج تمام
 لیڈر تے جموں کشمیر غا عام لوک برگریڈر راجندر سنگھ سمیت دوجا فوج افسراں تے
 جواناں نانہہ اُن غی طرفوں سن 1947 مانہہ ملک غی خاطر دتی گئی قربانیاں نال یاد
 کر رہیا ہیں۔ اواں پہلو مہاویر چکر اعزاز حاصل کرن آلا برگریڈر راجندر سنگھ غا یوم
 شہادت غا موقعور اج اُن گا آبائی گراں بگونہ مانہہ وی برگریڈر راجندر سنگھ کمیٹی غی
 طرفوں خصوصی پروگرام منعقد کرایو۔ اس موقع ور بولتا واں گراں گا سابق سرپنچ برج
 پال سنگھ نے اس طرح کہیو۔ اواں اس تہاڑا غی مناسبت نال ضلع ترقیاتی کونسل غا ممبر
 سڈرشن سنگھ سلاتھیہ نے گل کرتا واں اس طرح کہیو۔

TOUR FARMERS

ادھمپور ضلع گا مختلف علاقوں میں تعلق رکھنے والا 10 کسانوں اور مشتمل 5 روزہ تربیتی
ناہہ اہج ضلع ترقیاتی کمشنر اڈھمپور سلونی رائے نے ڈی سی آفس کمپلیکس میں
Central Institute of Temperate horticulture چھنڈی دس غے روانہ کیو یوہ دورو
سرینگر واسطے ہے یے پروگرام محکمہ باغبانی اڈھمپور غی جانب
تیں زرعی ٹیکنالوجی انتظامی ایجنسی غیتحت منعقد کیو جارہیو ہے جہڑی ایک مرکزی
سکیم ہے جس غو آغاز 2005 مانہہ زرعی خدمات ناہہ بہتر بنانوتے ضلعی سطح ور
فیصلان ناہہ بالختیار بنان واسطے کیو گیو تھو یے تربیتی پروگرام 27 اکتوبر تیں
31 اکتوبر 2025 توڑی جاری ریں غا جس غو مقصد مُنتخب کسانوں غی تکنیکی
معالومات تے عملی مہارت مانہہ اضافو کرنو ہے اس بارے ڈی سی اڈھمپور سلونی
رائے نے اس طرح کہیو۔ جد کہ ایک کسان کشمیر سنگھ گراں لالی پنچیری تیں نے
اس بارے اس طرح کہیو۔

NATURAL FARMING

NF قدرتی زراعتے غے تحت اندراج شدہ کسانوں واسطے قدرتی زراعت مشن
تربیتی و آگاہی پروگراموں غی ایک سیریز کرشی و گیان کیندر کشتواڑ نے
Clusters متعلقہ کلسٹر گا کرشی سکھیز غے نال مل غے منعقد کیو یوہ پروگرام مارواری سی
پنچائیت کرنول سرتھل گا علاقہ جہڑو ضلع کشتواڑ مانہہ ہے اُت منعقد ہوو جس مانہہ
تقریباً 100 مقامی کسانوں
نے حصولیو۔ کے وی کے کشتواڑ گا سائنسدان ڈاکٹر امیتیش نے بارے اس طرح کہیو۔
